

5. Hehpihna Letsongte

a) Laisiangtho bulphuhte

1Cor. 12:1-11	Rom. 11:29
1Pet. 4:10	1Cor. 12:27:31

b) Pasion Hehpihna

Hih pen a pongpi-in Pasion in Ama lainatna leh ei tawh kituak lo maipha piaknate i nuntakna sungah hong koihna ahi hi. Eite khat mahmah zong Pasion migitna tawh kilawm kituak lo hi napi Pasion in Zeisu sungah hong piakhin hi. Hi bang zia tawh Pasion hehpihna a ngahte suak hanga i dinna pen tua hehpihna sung ahi hi. Hehpihna pen mimal nuntakna ah sapna leh Topa in mite a piak thuneihna tawh zong kizom in kigen hi. Hih hehpihna pen i nuntakna ading leh Pasion ading nasep nading in dinmun bulpi hi (Rom. 12:3). Eite pen Pasion in hong piaksa hehpihna tawh ki-uk a, kimakaih ding ihi hi. I vantung Pa teelna tungtawn in a tuamvilvel sapna leh letsong i nei hi. Tua pen a tuamvilvel a, ei adinga Pasion hehpihna hi. Eite hong kisapna pen thaman leh mannpiak ding hi a, eite in zong ahi thei pen in muibun tak-a i sepkhiat ding i kin ngaihsut ding ahihi. Tua Pasion letsong pen a tawntung in taatsiang in midangte hoihna dingin a lianpen hihtheihna tawh zang ding hihang (2Tim.1:6). Hih hehpihna (sapna letsong) pen i nuntakna leh nasep khempueh a tawhkuang vangliatna ahih ding kisam hi. Eite hehpihna tawh hong kigum in hehpihna sungah hong kisam hi (1Cor. 15:10). Hehpihna pen Khasiangtho letsong khatpeuh sang lianzaw a, tua pen mikhat nuntakna ah na septuam khat maw nasep pawl khat maw a sem dinga a teel khia Pasion khut bang dan tawh kibang zaw hih letsong piakna pen Pasion hong piak hehpihna tawh hong pai khoplam uplah nang omlo a, ahizong in hih pen tua sapna a thei mite nuntakna ah a thuk in a vanglian thuman taktak ahi hi.

c) Hehpihna Letsongte

Thuciam Thak sunga 'Letsong' cih kammal leh 'Hehpihna' cih kammalte kinai mahmah uh hi. A taktak in hi tegel in zung khat pan ahi hi. 'Letsong' cih kammal pen 'Charisma' hi a, 'hehpihna' pen 'Chares' hi. A taktak in 'Charisma' in 'tua nate' ci a mantak-a a khiatna let theih ding kammal tawpna khat nei hi. Tua pen eite in 'Khasiangtho letsong i cih 'hehpihna nate' i cih pen hi. Thu dang khat in gen lehang hih pen eite sin khakna sungah Khasiangtho tungtawn a Pasion hehpihna lahkhiatna maw tua ii gah a kikhakhia pen ahi hi. Tua hi a, eite in Khasiangtho letsong ci hihang (1Pet. 4:10).

d) Letsong Pumpite

Khasiangtho hong piak hehpihna letsongte pen Khazih pumpi tung leh Khazih pumpi (Pawlpi) ading hi a, tua hang mah in pumpi letsongte ci thei hihang. Hite pen mimal khatciate nuntakna tuamvilvel tungtawn in kilang-a, tua pen letsongte tawh a kizom mite ahi hi (Heb. 2:3-4). Letsong khatciat pen pumpi sunga a dang mimalte sungah a kistem khia letsongte tawh kizom dimdiam hi. Tuat pen a pongpi-in nate tungah kingah thei-in pumpi laptoh nading leh a kilem nading in kihawm hi. Hih pen tua letsong ngahna dinga Topa a zong peuhmah ading a kingah thei tawh kibang-a, tua pen pumpi sungah tua hun-a a kisap nading zui-in kingah thei hi.

"Tu in mi khempueh i hoih kim nading in mikim tungah kha kilat khiatna kipia ciat hi." (1Cor. 12:7).

e) Khasiangtoh Letsongte

Ei mimal nopsak nading leh ei le ei zatkhiat dingin Khasiangtho letsongte hong kikamciam nailo a, ahizong in i kiim le pam a, kisapna nei numei pasalte nuntakna sungah i sepkhiatna tawh Pasion in hong hih theihsak nading ahi hi. Khasiangtho letsongte pen nasepna ah Pasion vangliatna hi-a, tuate zatkhiat nading dinmun ah ei le ei i om teh i nuntakna sungah tuate hong kikhah ding hi. Nasepna-ah i kuankhiat teh eima thahatna tawh a sem hilo in, Pasion in Khasiangtho sungah Ama hong hihsak theihna kilatkhiatna tungtawn in tua dinmun sungah Pasion mahmah direct in hong kihel hi. Hih in i thanemna leh hong kiciangtanna ii bat a zaina kantan in eite hong sangkhanto ding hi. Tua-in Pasion na i sepna sungah septheihna leh sunglam kitehna thak-ah hong khahkhia khawm hi. A taktak in hih pen a tawpna ah Pasion ading na i sepna a kilam dangsak dinga hong bawl leh hong khentel ding ahi hi. Banghang hiam cihleh Khasiangtho letsongte i zatkhiatna-ah a banban in hong kilang dinga bang letsong pen ei tungtawn sangin midang khat tungtawn in a kilahkhiat ding a baihsa in om aw cih hong kimu khia ding hi. Pasion adinga i nasep zia leh i zatkhiatna in eite tuangtawn-a Khasiangtho letsongte nasepnate bawlpha ding hi. Tua bang hi taleh hun khatpeuh ah Christian khatpeuh in ama lunggulh letsong khat ngen thei-a, tua pen eite in i septheih ziauziau lohna mun hi phial taleh ngen thei hihang. Pa lunggulhna pen gupkhiatna leh numei pasalte nuntakna ah cidamna a vangliatna tungtawn-a a tunsak ding hi a, lungsim siangtho leh ngimna hoih tawh i nget nak leh a sep theihna pen dokkik lo ding hi. Pasion deihna i sepna dinga hong puahpha pen Khasiang toh letsongte tungtawn ahi hi. Hih letsongte lo tawh eite pianken septheihna leh thatang bek tawh eite nungta in nasem hihang.

f) Thumgawm Letsongte

Paul in 1Cor. 12 sungah Khasiangtho letsong hong hilh hi. Tua letsongte a tuam genna in hih mun-ah Pa, Tapa leh Khasiangthote in kithutuak takin nasemkhawm uh ahihna a thupina hong pulak hi. A taktak in hih Pa, Tapa, leh Khasiangtho letsongte zahin Khasiangtho letsongte ci-a gen ding pen hoih lo, kilawm lo hi. Paul in taang 4-6 sungah tua letsongte Khat le khat a kilam tuahna uh a tuan dang kammal thum na zang hi.

1. "Letsong tuamtuamte, Ahihang Kha kibang"

Hih in eite tuahkhakna sungah hih letsongte nakpi hong pulak hi. ahi bangin gen leng Khasiangtho pen tua letsongte hong tungsak pa hi.

2. "Nasepna tuamtuamte, Ahihang Topa kibang"

Hih in hih letsongte a kisp khatna ah kua-a ding kispem cih hong pulaak a, banglam manawh in kua in hih letsongte zangkhia cih hi a, a min tawh lo leng, Topa Zeisu Khazih hi.

3. "Sepsakna nam tuamtuam, ahihang hangin mikhempeuh sungah tua Pasion mah in sem kim hi."

Hi lai-a "Nasep" cih kammal pen Greek kammal "energemata" hi. Tua pen ngimna omlo a, thahatna leh vangliatna tawh kispemkhia cihna hilo in, ngimna khat nei a, thahatna tawh sepkhiatna hi. Hih laigual in a pulak pen, tua letsongte in a sepkhiatna vua a ngimna uh hi a, a min in lo leng, mun khempeuh ah Pa deihna tangtun nading ahi hi.

Tua hi a,eite in Khasiangtho letsongte a zangkhia hi khollo zaw in, thum gawm Pasion vangliatna leh nasepna sungah eite a kihel hi zaw hihang:

g) **Bangte Khasiangtho Letsong hiam?**

1Cor. 12:8-10 sungah kua kigualsuk hi.

1. **Pilna Thupuak (Pilna kammal)**

Gencianna: Pasion thuman thutak nuntakna ah zon theihna leh zatkhiat theihna: kha kilaakna tawh dinmun omzia khat let theih nadinga Pasion ngaihsutnate leh gelnate pulak khat na.

Gentehna te: Solomon (1Kings 3:24-18); Zeisu (John 8:4-7; Luke 20:20-26).

Hi pen i nasepna-ah midangte i va naih nading bulpi hipah hi. Pasion pilna letsong lo tawh dinmun tuamtuamte sungah ei le ei buai gawp ding hang-a, thukhenna manlote kintak in, ui meikang bang leh, tel khialhna leh natna peuh nusia thei ding hihang. Pasion pilna pen Pasion in nate a muh zia-a muh theihna leh, bang pen maan in tua tawh kituakin bang sem leng hoih ding cih muhtheihna lungtang sunglam muhna khat hong ngahsak hi. Pilna kammal pen midang khat tunga kipia thei thu hilo in, na a sem mikhat in ama kha sungah Topa kiang pan lian-a a ngah kammal leh tua hun-a ding a kisam sunglam muhna leh thu theihnelna hong tun' ding a hihna phawk in.

2. **Thutheihna**

Gencianna: Khasiangtho sukna tawh thuman theih theihna: mikhat leh dinmun omzia tawh kisai thumante kha kilaakna tawh theih theih na hi.

Gehtehna te: Joseph (Gen. 41:25-32) ; Elisha (2 Kings 6:8-12); Zeisu (John 4:17-18: Matt. 21:2-3).

Thu theihna zong theihnelna letsong hi a, midangte tawh tangtak-a kihawm thei thutheihna kammal hi zaw deuh leh kilawm hi. Hih in a beisa-a Khasiangtho tunga kingahtheite sangin nih tuak-a a ding thuman hong lak khia in, a thuk zaw-a sukhhak ding in hong hi thei sak zaw tham hi. Pilna letsong leh thutheihna letsongte in tampivei na sem khawmuh i. Banghang hiam cihleh thutheihna pen koi ci let ding leh koi ci zat ding cih pilna in na sem hi.

3. **Upna**

Gencianna: Ahi theilo ding zah khenga Pasion muantheihna leh midangte mangmuhna laptohna hi: Dinmun pawlkhat ah Pasion in Ama vangliatna laktel ding hi cih muanna leh telcianna dinga kha in hong hihtheih sakna hi.

Gentehmate: Joshua (Josh. 10:12-14); Elijah (1Kings 18:17-40); Zeisu (Mark 4:37-40: Jn. 11:41-44).

Upna pen nasepna dinmun ah khamuanna leh lungmuanna hong pia letsong hi. Hih upna letsong tungtawn in Pasion in eite bang hong semsak nuam cih theihnelna kingah a, hihte hong piang ding lametna tawh i upna ding vangliatna hong pia hi.

4. **Cina damsakna Letsongte**

Gencianna: Khazih nuntakna pen mikhat damna dingin khalam, pumpi lam leh, lungsim ngaihsutna lam tawh vaihawm theih na hi a, cidamna dingin Pasion vangliatna thunlut theihna hi.

Gentehmate: Zeisu (Mk. 1:29-31; Mk. 3:1-5); Philip (Acts 8:6-7); Paul (Acts 14:9-10).

Letsongte cih kammal pen a tanggenna hi. Banghang hiam cihleh mite in a thuak natna leh damlohna nam tuamtuam tawh kisai eite hong kipia cina damsakna

letsong tuamtuam tampi om hi. Hih pen natna tuamtuamte damsak theihna neih nading in mikhat ading ahi thei lo hilo a, aih keileh ngaihsutna lam kisapnate ading in ahi theilo hilo hi.

5. **A lamdang Vangliatnate (Nalamdangte bawlina)**

Gencianna: Mihing septheihna khenga pianken ngeina tawh kilehbulh vangliatna tawh nasep khiat theihna; pianken khengval nasep nate bawlina dinga kha in hong sepsak theihna.

Gentehna te: Elisha (2Kings 4:1-7); Zeisu (Jn. 2:1-11; Lk. 9:16-17); Stephen (Acts 6:8).

Na lamdang pen kha cidamna ahih keileh pianken ngeinate kantan-a nakhat sepna ahi hi. Hih pen Pasion tangtak-a hong kihelna tunga kinga ngiat thupiang hi-a, tua hangin a ngeina khengval Pasion vangliatna piangkhiasak hi. Gehtehna in, misi thawhkiksakna, tui pan in lenggahzu suahsakna a omlo khut leh khete hong hatkiksak aih keileh khang kiksak cihte a kipan.

6. **Kamsanna (1Cor. 14:1-6, 22-23, 39-40)**

Gencianna : Pasion kiang pan a thupuak tuam vilvel khat a gen pa leh a za a ngaite tuak ii kampau tawh pulak khiat theihna: Pasion lungtang pan kipulak thupuak tuamvilvel khat hun khatpeuh ah kizopsakna (Khat veivei mailam thupiangte tawh kisai).

Gentehna te: Isaiah (Matt. 13:14); Zeisu (Matt. 24:3-42; Jn. 21:18); Agabus (Acts 11:27-28).

Kamsanna pen pawlpi kilamtoh nading hi: kamsanna thu genna pen tang mahmah-a, dawnkik thuhkikna dinga kisapna zong kihel pah hi.

“Kamsanga thugente peuhmah in amaute thakhauhsak ding, hanthawn ding leh hehnem ding-in mihing tungah thu a gen hi.” (1Cor. 14:3).

7. **Khate khentel theihna (Khate khencianna)**

Gencianna: A manlo leh aman, a hoihlo leh a hoih khentel theihna hi: kha kisapna tawh mikhat aih keh dinmun khat sungah bang kha om hiam cih sunglam muhtheihna.

Gentehna te: John the Baptist (Matt. 12:34); Zeisu (Luke 13:11-16; John 8:14); Paul (Acts 13:6-12).

Hih pen khentelna letsong hi. Eite in khate sit in Pasion-a ahi hiam hilo hiam cih i sittel dingin hong kigen hi. Hih kha letsong tawh hong kipia hun khat peuh-ah i tuahkhak khate pen bang khate cih theihna hoih pen ahi hi.

8. **Pau tuamtuamte (1Cor. 14:1-28).**

Gencianna: mite aih keileh vantung mite kammal khat tawh pau theihna hi-in tua kampaupen a paupa in sin ngeilo hi.

Gentehna te: Nungzuite 9 Acts 2:4); Cornelius inn sunga thu-um mite (Acts 10:46); Paul (1Cor. 14:18).

Kamtuam letsong pen nasepna dinmun-ah thupi mahmah hi. “Pau khat a thugente mi tawh kiho hi lo-in, Pasion tawh kiho ahi hi. A taktak in a thugen kuamah in a thei kei-a, a kha tawh thuthukte a gen ahi hi. Pau tuam khat-a thugente amah leh amah a kikhuang khohsak ahi hi.” (1Cor. 14:2-4).

9. **Kamtuamte khatna Gentheihna (1Cor. 14:13, 26-28).**

Gencianna: kampau khat ii khatna sin ngei kei taleh gen theihna hi. Theih loh kampau khat ii khatna pen teltheih kampau tawh a khatna telgen theihna hi. Hih letsong pen kamtuamte letsong kizatna-ah a khatna genna tungtawn in Khasiangtho in a dawnkikna mun-a pankhopna nasepte ah kizang theizaw hi. Bang hong piang hiam cihleh tua kamtuam kigen tawh a kikim in khauhpa hi. Hih pen a taktak in kam-etna hilo a, dawnkikna cih ding hizaw hi. Pasion in thugen nuam cihleh, lametnate khangsak cih thuman ah tua Khasiangtho in kamtuam zangin a lunglutna ah la hi. Tua a khatna genpa in a kigen bang bangin mi khempeuh teltheih ding leh thukhenna dingin Pasion kiangpan kammalte pia hi. Kamtuampau khatna gentheihna letsong pen kipawlkhop nasepna, mimal khat Topa tungah kamtuam sunga mimal kipiakna khatna genna dingin zong kizang thei hi.

Khasiangtho letsong khatciat in a muibut theih nading in a dang letsongte tawh sepkhop ding kisam thei gige hi. Gentehna in cina damsakna letsong ah upna letsong leh khentel theihna letsongte pen cina damsakna letsong muibun tak-a sep theihna dingin kisam hi. Letsongte pen Khat le khat kinga khawm dimdiam uh a, ama dinmun sungah Pasion in hong sepsak nopte zawh theihna dinga kisam letsong peuhpeuh tawh Khasiangtho in na hong semthei sak ding hi.

h) Pumpi ading Adang Hehpihna letsongte

Khazih pumpi ading in adang hehpihna letsongte zong om hi. Hihte pen lampi kician pawlkhat tawh Topa na sep theih nading in mite a kipia ahi hi. Eph. 4:11 a kigen nasep nga ading sapnate pen a pongpi-in Khazih pumpi ading hi a, hihte sungah kihel hi (Hihte pen laibu sung mundang khat ah en kik lai ding hihang). A dang mite tunga hehpihna letsongte pen Khazih pumpi ading hizaw deuh hi a, (tua pen- Khua tualsung Pawlpi), tuate pen Rom. 12:4-8 ah kigen hi.

1. **Kamsanna**

Gencianna: Khazih pumpi adinga kamsanna tunsak theihna pen thupiang ngeina khat peuh tungah piang hi. Hih kamsanna thupina leh a zah veipen a mipa upna zahtung-ah kinga hi.

2. **Nasepna (dik leh Pasion nasepna)**

Gencianna: Midangte tungah thahatna leh thapiaknate lampi khatpeuh tawh panpihna leh huhna piak theihna ahi hi.

Gentehnte: Zeisu (John 13:1-16); Mary (Jn. 12:1-11).

3. **Thuhilhna:**

Gencianna: Pasion thuman thutak telkhehna leh a khatna gen theihna hi a, kitel tak leh kiciantak in hawmkhia thei hi.

Gentehnte: Apollos (Acts 18:24-28); Zeisu (Matt. 5:1-11).

4. **Thapiakna (aih keh hehnepna).**

Gencianna: Mite nasem khia dinga holhthawh theihna, a pongpi-in Pasion kammal thuneihna zang sa in.

Gentehnte: Paul (Acts 20:1-2).

5. **Midangte kisapnate hawmkhatna.**

Gencianna: Pasion hih theihbehna ah sum bawl in hawmkhat theihna hi. Hih pen

citna tawh sep ding ahi hi.

Gentehnte: Macedonia Pawlpi (2Cor. 8:1-5); Barnabas (Acts 4:36-37).

6. Makaihna (vaihawmna, ukna).

Gencianna: Midangte makaih theihna leh Pawlpi vaite vaihawmtheihna hi. Hih pen kuhkal tak-a sep ding ahi hi.

Gentehnte: Upate (1Tim. 5:17); Upa vaihawmte (1Tim. 3:8-13).

7. Hehpihna lah Khiatna

Gencianna: A tamzaw mite in a thudon loh leh a sep nading vua hun a ngahloh uh mite tawh kithuah khawm a, hehnepna piak theih na hi. Hih pen itna tak tawh sep ding ahi hi.

i) Dotnate leh Kikupkhopnate

1. Kuate tungah Khasiangtho letsongte kipia-a, tuate ngimna bang ahi hiam?
2. Mimal khatciat Khasiangtho letsongte kuan khensakhiam? (1Cor. 12:11).
3. Pasion letsongte leh sapna pen nial theih hilo hi (Rom. 11:29). Zeisu nungzui na hihna tawh hih in nang tungah bang kilamdanna hong bawl hiam? Hih in lungmuanna hong pia hiam?
4. Topa in Khasiangtho letsongte khatpeuh sungah nang hong zang khin hiam?
5. Khasiangtho letsongte pen nanga ding maw Khazih pumpi ading maw in na dei hiam? tua pen, aituam huaihamna hangte maw, Pasion ading gahphat nading? (1Cor. 14:12).
6. Khasiangtho tawh kiphum khinsa leh kidim khinsa mite sung bek-ah Khasiangtho letsongte in na sem hi. Hih Khasiangtho letsongte sungah Topa in nang hong zat ngei nai keileh, Khasiangtho tawh a masa bel aih keh a thak-a hong dip kik ding in Ama kiangah ngei in. Tua khit ciangin tua letsongte a kisapna dinmun khat hong piak nading leh Topa in hong zat theih nading in Pasion kiangah ngen in.
7. Khuatual Khazih pumpi sungah na omna mun na thei hiam? Na theih keileh Pasion kiangah hong lahna dingin thungen in.

j. Tomlakna leh Zatpahna

1. Pasion letsongte leh Ama sapna pen hong hehpihna hang in hong tung hi.
2. Khasiangtho letsongte pen ei aituam hamphat nadinga hong kipia hilo a, Khazih pumpi ah nasep theih nading leh Khazih pumpi zaisak nading ahi hi.
3. Eite in Pasion vangliatna sungah midangte kianga vaban ihihmanin Khasiangtho letsongte hangin ei mihingte hihtheihna khangin Pasion adingna hong sem theisak hi.
4. Khasiangtho letsongte pen Pa, Ta leh Khasiangtho letsongte ci-in zong kipulak thei hi.
5. Hehpihna letsongte sungah Eph 4:11 sung a, nasepna sapnate leh, Rom. 12:6-3 sunga khuatual Khazih pumpi sungah Topa ading na a sep theih nading un mite a hihtheih sakna letsongte kihel hi.